



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

34. Quomodo Iustina Imperatrix Arriana Ecclesiarum statum perturbans, & exilia sacerdotibus interminans, Ambrosii precibus, ieiuniis & vigilijs ita retunditur, vt quæ illa sacerdotibus exilia ...

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

ait: Tetri valdè erant homines, qui me ducebant, ex quorum ore & naribus ignis exibat, quem tolerare non poteram. Cumque per obscura loca me deducerent, subito pulchrè visionis iuuenis, cum alijs nobis euntibus obviam factus est, qui me trahentibus dixit: Reducite illum, quia Seuerus presbyter plangit: eius enim lachrymis dominus eum donauit. Qui scilicet Seuerus protinus de terra surrexit, et quæ poenitentiam agenti, opem suæ intercessionis præbuit. Et dum per dies septem de perpetratis culpis poenitentiam æger redimitus ageret, octaua die latus de corpore exiuit.

Eusebius libr. 11 histor. Ecclesiast. cap. 15. & 16.

Iustina Imperatrix Arriana Ecclesiarum statum perturbans, & exilia sacerdotibus interminans, Ambrosij precibus ieiunij & vigilijs ita retunditur, ut quæ illa sacerdotibus exilia præparauerat, prima cum filio sortiretur.

CAP. XXXIV.

Iustina Valentiniani Imperat. mater, Arriana hæresios alumna, impietatis suæ venena, quæ viuentem viro supprefferat, filio facile decepto fidenter aperuit. Igitur apud Mediolanum posita, cõturbare Ecclesiarum statum, comminari sacerdotibus depulsionis exilia, nisi Ariminensis concilij decreta, quibus fides patrum temerata fuerat, reuocarent. Quo bello Ecclesiæ murum & turrim validissimè pulsabat Ambrosium. Eumque minis, terroribus

bus atque omni oppugnationis genere fati-
 gans, primum sibi aditum debellandę conaba-
 tur Ecclesię. Sed quamuis illa Iezabel spiritu
 pugnaret armata, resistebat tamen Ambrosius,
 Helix virtute repletus & gratia. Ipsa autem in
 Ecclesijs garrere, strepere, animare, & inflam-
 mare ad discordiam populos: sed quod minus
 rex sententia cederet, iniuriam putare, & p
 hoc apud filium conqueri. Vnde adolescentu-
 lus pro contumelię inuidia, quam falsò con-
 flauerat mater, accensus, armatorum globum
 ad Ecclesiam mittit: confringi ianuas, oppug-
 nari sancta, sacerdotem pertrahi atque in exi-
 lium mitti protinus iubet. Sed tanta fuit per-
 severantia fidelium populorum, vt animas pri-
 uamittere quàm Episcòpum mallent. Inte-
 rim dictanda aduersum fidem imperialia de-
 creta mandantur Beneuolo, tunc memorię
 scinijs præsidenti. Sed ille cui ab incunabilis
 fide fides & venerabilis fuit, abnegat se im-
 pia verba posse proferre, & contra Deum lo-
 qui. Tum verò ne inceptum reginę frustrari
 videretur, celsior ei honor promittitur, si im-
 pletet iniuncta. Ille qui nobilior in fide esse
 quàm in honoribus cuperet: Quid mihi, ait,
 pro impietatis mercede altiore promittitis
 gradum? Hunc ipsum quem habeo tollite, tan-
 tum mihi conscientia fidei duret illæsa. Hęc
 dicens, ante pedes impia præcipientium cin-
 gulum iecit. Ambrosius verò aduersum regi-
 nę furorem, non se manu defensabat, aut telo,
 sed

sed ieiunijs continuatisque vigilijs sub altari positus, per obsecrationes defensores sibi atque Ecclesiæ Deum parabat. Dumque hæc in longum diuersis machinis, & oppugnationibus nequam Iustina moliretur, Maximus qui se exuere tyranni infamia, & legitimum principem gestiret ostendere, datis literis impium protestatur inceptum, fidem Dei impugnari, & statuta Catholice Ecclesiæ subruere, & inter hæc appropinquare Italiæ cœpit. Quo Iustina comperto, hoste simul atque impietatis conscientia perurgente, in fugam versa cum filio, exilia quæ Dei sacerdotibus præparabat, prima sortitur.

Theodoretus Ecclesiast. histor. libr. 3. cap. 6. De immanissima crudelitate, qua tempore Iuliani Imper. quidam in sacerdotes seuerunt, de quibus illorum diuina ultione.

C A P. X X X V.

Iulianus Imper. impietati frena laxans, una cum suis scurrarum more petulanter & contumeliosè sanctos insectabatur, nullum genus conuiuij & probri prætermittens in veræ pietatis professores. Abstulit deinde coniugiaria sacerdotibus, à Constantino Magno donata. Ascaloni & Gaze, quæ sunt vrbes Palestinæ, primum virorum sacerdotij dignitate exornatorum, & mulierum perpetuam virginitatem professarum ventres discindunt: deinde farciunt hordeo: ad extremum eos porcis deuorandos obijciunt. Sebastæ item, quæ est

vrbs